



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

154. Dominica 5. Post Pascha. De dono Orationis

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

Sabbato post Dom. 4. post Pasch. 269

principijs derivatur. Cùm certus de fide sim, quòd visio beata Dei non obtineatur, nisi amore Dei, & quòd eadem visio sit præmium amantis Deum, & quòd amare Deum nequeat ullus, nisi ante cognoscat; possúmne in alia re occupari, quàm in consideratione Dei? possúmne aliud, quàm Deum amare? Certè si depellendæ miserix, & acquirendæ beatitudinis causâ faciunt omnes homines, quidquid vel boni, vel mali faciunt; & beatitudo mea sita sit in Deo solo, resolvam me ad hunc unicè quærendum in omnibus, semper, & ampliùs, donec invenero, & fructus fuero. *Si quotidie oporteret nos tormenta perferre, si gehennam ipsam parvo tempore tollerare, ut Christum videre digni essemus venientem in gloria, & Sanctorum ejus numerosociari, nonne erat dignum pati omne, quod triste est?* Ita D. August. Serm. 2. de omnibus Sanctis.

MEDITATIO. CLIV.

Dominica 5. post Paschas

De dono Orationis.

Aspiciam Dominum liberalissimum dare volentem, quidquid petierimus. Petam cum Apostolis: *Domine, doce nos orare, Luc II.*

Conf. 1. Ineffabilem Domini erga nos benignitatē, ut loquitur Petrus Chrysol. Serm.

M 3.

70. Sup.

70. *Supplicandi normam ipse tibi, qui exornatus est, indulget ad amoris indicium, Rex ipse functus est officio advocati, ut preces, quibus responsurus erat, ipse dictaret, juxta illud ad Rom. 8. Quid oremus, sicut oportet, nescimus.*

Conf. 2. Præstantiam orationis Dominica ab Augustino explicatam Ep. 121. 'ad Probam, c. 12. Si omnium sanctarum precationum verba transeamus, quantum æstimo, non invenias, quod ista oratio Dominica non contineat. Vnde nihil aliud petere licet à Domino, quam quòd istâ oratione comprehenditur, quamvis ipsa eadem etiam alijs verbis liceat postulare.

Conf. 3. Septenum esse gaudium nostrum à Deo, quod ut sit plenum petere debemus. 1. Est agnitio Dei, eiusque perfectionum. 2. Præsentia ejus in coelo. 3. Præsentia ejus in terra. 4. præsentia ejus in unione ejus cum Verbo. 5. Præsentia ejus in Ecclesia, quam jure naturæ, rationis, & gratiæ regit. 6. Præsentia ejus in proximis meis, præsertim Sanctis suis, quos tam mirabiliter illuminat, & inflammat. 7. Præsentia ejus in me remittens peccata, emendans vitam, Spe vitæ æternæ me ditans. Hæc sunt initia gaudiorum, rogandusque Deus est. ut gaudium nostrum sit plenum, ut Spes fiat res, Fides fiat species.

Conf. 4. Verba D. Basilij; Duo sunt orandi modi

Feria 2. Dom. 5. post pascha. 271

modi, unus laudis cum humilitate, secundum petitionis, ab illo autem priori exordium sumendum est: Atqui Evcharistia est Laus Dei, ab ejus igitur Communionem incipiam, memor moniti D. Ambr. in e. II. Luc. *Quis nobis amior, quam qui pro nobis Corpus suum tradidit*

MEDITATIO CLV.

Feria 2. Domin. 5. post Pascha.

Qui sint tres panes petendi.

Avdiam Dominum loquentem: *Quis autem ex vobis Patrem petit panem, nunquid lapidem dabit illi? aut piscem, nunquid pro pisce serpentem dabit illi? aut si petierit ovum, nunquid porriget illi scorpionem?* Petam intelligere verba Domini, & juxta ea orare.

Conf. 1. Quomodo Dominus per piscem intelligat Fidem Dei: ut enim piscis sub aquis nascitur, sic Fides per Baptismum invisibili gratia consecratur in homine, invisibili auxilio Dei nutritur, & invisibilium premiorum intuitu operatur, & mundi fluctibus circumjactata non frangitur: per serpentem autem intelligit Dominus infidelitatem, quam serpens primus homini inspiravit.

Conf. 2. Quomodo Dominus per ovum intelligat Spem promissionum Dei: ovum enim nondum perfectus foetus, sed speratur: per scorpionem autem desperationem: quia

M 4 scor